

Associations Incorporation Act 2023

**Papua Niugini igatim niupela
lo bilong ol asosiesen.**

Displa liklik buk igatim toktok we olgeta
asosiesen resista insait lon Papua Niugini
imas save.

**LASPLA DEI BILONG RESISTA
KEN LONG DEI TETI BLO MUN
JUN LON YIA 2027.**

Investment Promotion Authority
I tokim displa toksave.



IPA

Papua Niugini nau igatim niupla lo bilong ol asosiesen.

Niupla Associations Incorporation Act blo yia 2023 i senisim Act blo yia 1996. Displa niupla lo i surukim wok blo ol asosiesen na strongim pasin blo tok tru igo long ol memba, na putim Papua Niugini long bihainim lo blong stopim ol manmeri long haitim moni ol kisim long ino gutpla rot na tu long pait agensim pasin blong yusim moni long kirapim pait natingnating.

Resistra blo Kampanis ofis aninit long Investment Promotion Authority isave mekim dispela wok.

Dispela wok bai afektim husait

- Olgeta asosiesen husait iresista long PNG
- Olgeta niupla asosiesen husait bai resista long nau igo olsem.
- Ol ovasis kampani husait ikam aninit long non-profit oganasesen insait long PNG

Sapos asosiesen blo yu iresista pinis, yu imas resista ken insait lon wanpela yia o bipo long dei teti bilong mun Jun 2027.

Wanem samiting i senis

- **Tupla han blo asosiesen**

Olgeta asosiesen nau imas kamap olsem Public Benefit Association o imas wokim ol wok bilong helpim komuniti olsem helt, edukesen o ol imas kamap Members Benefit Association bilong helpim ol memba bilong ol, wankain olsem ol grup bilong Semba blo Commerce o Trade.

- **Wok bilong ol komiti memba blo asosiesen**

Wanwan asosiesen imas igat tripla komiti memba na wanpla imas man or meri husait isave stap insait long Papua Niugini.

- **Wok bilong tok tru long moni**

Olgeta asosiesen imas save long givim ripot bilong rot we moni kam insait long asosiesen na igo arasait long asosiesen. Ol bikpela asosiesen, husait isave kisim moni long gavman or kisim ol halivim abrusim moni mak gavman iputim imas rere long givim stret pla ripot we ol akauntin kampani iwokim long en.

- **Anuol Riten**

Ol asosiesen imas toksave long ofis bilong Resistra insait long ripot ol ikolim Anuol Riten. Em i hamas moni asosiesen imekim insait long wanpela yia wankain tasol olsem ol kampani. Sapos ol asosiesen ino givim displa ripot long wanwan krismas, ol iken rausim nem bilong asosiesen long resista.

- **Benefisol Onasip**

Ol asosiesen imas raitim tu Benefisol Onasip toksave o ol toktok bilong husait manmeri igat pawa long kontrolim membasip o iken kamap papa o mama bilong asosiesen long bihain taim. Benefisol Onasip em man o meri husait iken ounim o kontrolim membasip iven sapos membasip istap aninit long nem bilong narapela man o meri. Dispela em i bihainim stret lo bilong ripotim ol moni ikam long rot nogut o pait agensim pasin bilong yusim moni long kirapim pait nating nating o ol kolim 'International Anti-Money Laundering.'

- **Nupela nem Ovasis Asosiesen**

Bipo ol ovasis non-profit oganasesen husait iwok insait long PNG ibin resista olsem ovasis kampani. Tasol nau, ol bai resista ken aninit long niupla Act olsem ovasis asosiesen.

- **Bikpla sapot long tok nogat**

Wanwan manmeri iken tok nogat long resistarim asosiesen o long putim wanpela man o meri husait ibin wokim raskol pasin o husait ino stap insait long PNG olsem komiti memba bilong asosiesen. Nau igat bikpla sapot long displa sait na ino olsem bipo.

- **Onlain ripot**

Olgeta ripot bilong salim igo long tment Promotion Authority bilong wanwan krismas, yu imas wokim onlain long IPA online Registry: www.ipa.gov.pg. Nambawan taim tasol taim yu laik resista lon Asosiesen, yu ken go givim pepa bilong yu long ofis bilong IPA.

Hausat bai yu resista ken

Taim yu resista ken, emi fri na yu bai ino inap ripot long 'annual return' or moni kam in na go aut long asosiesen insait long nambawan yia bilong asosiesen. Yu ino nid long mekim dispela tupela wok.

STEP 1: Go insait long registry

Sainim nem blong yu lon 'IPA Online Registry' long **www.ipa.gov.pg** na painim asosiesen bilong yu.

STEP 2: Lukluk na stretim

Sekim ol toktok istap pinis na stretim sapos ino stret o olupela toktok istap.

STEP 3: Putim niupla toktok igo insait

Putim sampla niupla toktok we niupla Act o lo i askim long en olsem;

- Komiti memba bilong nau
- Pablik ofisa, sapos igat
- Stori liklik long wok bilong asosiesen

Asosiesen bilong yu stap aninit long wanem han; Pablik Benefit Asosiesen long wokim ol wok blo halivim ol komuniti olsem helt, edukesen o Memba Benefit Asosiesen long halivim ol memba bilong asosiesen wankain olsem ol grup bilong semba bilong Commerce o Trade.

STEP 4: Salim igo

Salim pepa bilong yu igo bipo long wanpela krismas i abrusim.



Sapos yu ino resista ken

Asosiesen blo yu bai mipela rausim long resista na bai ino inap luksave olsem yu resista aninit lon lo bilong PNG. Yu ken resista ken insait long tupla krismas na yu bai baim sampla moni olsem late fi tu sapos asosiesen bilong yu iraus long resista.

Yu ken lukim moa toksave istap long dispela hap-www.ipa.gov.pg

Makim wanpela han bilong asosiesen

Olgeta asosiesen imas makim wanpela bilong tupela han bilong asosiesen o ol kolim 'subtypes':

1. Pablik Benefit Asosiesen

Ol ikamapim dispela asosiesen long halivim ol pablik. Na bai olgeta komuniti bai kisim halivim tu na ino ol memba tasol. Sampela bilong dispela ol kain oganesesen ol sapotim Helt na Edukesen bilong komuniti bilong ol.

2. Memba Benefit Asosiesen

Ol ikamapim dispela asosiesen long halivim ol memba bilong ol yet. Na bai olgeta memba bilong asosiesen bai kisim halivim tu long sapotim wok wankain olsem ol grup bilong Semba bilong Commerce or Trade.



Em i impoten long makim stretpela 'subtype' or han bilong asosiesen.

Sapos yu ino klia gut long makim wanem subtype o han blong asosiesen, kisim halivim long ol manmeri isave long lo. Dispela toksave em bilong ridim na harim tasol na ino ken kisim olsem toktok bilong lo.

Painimaut moa na resista ken onlain long www.ipa.gov.pg





Investment Promotion Authority

First Floor, IPA Haus
Munidubu Street, Lawes Road, Konedobu
PO Box 5053, Boroko, NCD

PHONE: (675) 308 4454, (675) 308 4435,
(675) 308 4420, or (675) 308 4405

WEBSITE: www.ipa.gov.pg

EMAIL: associations@ipa.gov.pg

Pacific Private Sector Development Initiative (PSDI) em wanpela teknikol asistens program bilong Asian Development Bank husait ikisim sapot long Australia na New Zealand gavman lon sapotim wok long Investment Promotion Authority. PSDI program ibin kirap long yia 2006 na isave mekim wok insait long fotinpela o wanpela ten fo Pasifik developin memba kantri long stretim ples bilong bisnis long kamap gut na tu long sapotim praiwet sekta wok we bai helpim ikonomi bilong kantri long gro.

PSDI | **THE PACIFIC
PRIVATE SECTOR
DEVELOPMENT
INITIATIVE**

A technical assistance program undertaken in partnership with:

